



### **Fedrid Omerbašić, dipl.ing.geodezije**

Dana 14.02.1998.godine, iznenada je umro Ferid Omerbašić, istaknuti geodetski stručnjak, dugogodišnji aktivni član strukovnog udruženja geodetskih inženjera i geometara.

Ferid je rođen 1934.godine u Brčkom, gdje je završio četiri razreda gimnazije, a potom peti i šesti razred u Tuzli. Geodetsku tehničku školu u Sarajevu upisao je 1951.godine, koju završava 1954.godine. Završava studij geodezije i kao diplomirani inženjer geodezije počinje svoj plodan rad u Republičkoj geodetskoj upravi Bosne i Hercegovine.

Ističe se u radu na osnovnim mrežama i kao organizator radilišta.

Dugogodišnji rad na mjestu direktora J.P. "Geodetski zavod Bosne i Hercegovine" krunisao je objedinjavanjem dijelova Zavoda u jedinstvenom prostoru, proširenjem djelatnosti i uvodjenjem automatizacije u poslove Zavoda. Doprinos daje u kadrovskom jačanju Zavoda. Zadnje godine radnog vijeka proveo je na mjestu direktora Republičke geodetske uprave.

Kako u Zavodu tako i u Upravi svu svoju energiju i znanje usmjerava na uzdizanje geodetske struke, na brže prevazilaženje naslijeđenog stanja u oblasti premjera i katastra nekretnina, kao i uređenja poljoprivrednog zemljišta putem komasacija. U svom radu crpi iskustva drugih zemalja, a pri tome se koristi uvođenjem novih tehnologija.

Aktivan je i u Savezu geodetskih inženjera i geometara. Zapažene su njegove aktivnosti koje su pomogle da Savez geodetskih inženjera i geometara Bosne i Hercegovine svrsta u red najaktivnijih strukovnih saveza Bosne i Hercegovine. Kao član kolegijalnih organa geodetskih institucija na prostorima bivše SFRJ dao je značajan udio u definiranju pojedinih segmenata geodetske djelatnosti i uređenju odnosa između preduzeća koja se bave geodetskim poslovima. U okviru međunarodne saradnje zalagao se za ravnopravan tretman svih dijelova države kroz uključivanje u međunarodne geodetske asocijacije geodetskih stručnjaka iz Bosne i Hercegovine.

Ime Ferida Omerbašića ostaće u sjećanju svih nas koji smo ga poznavali i sa njim radili i saradivali, a za generacije koje dolaze naći će njegovo ime na mnogim dokumentima, a posebno geodetskim planovima i terenskim elaboratima.

Zbog svega što je učinio i uradio za geodetsku djelatnost, ostajemo mu vječno zahvalni.

*Mustafa Begić*